

UDHËZIM I PËRBASHKËT

Nr. 407/1, datë 14.6.2019

PËR MËNYRËN E PËRLLOGARITJES SË TARIFAVE TË SHËRBIMEVE SPECIFIKE, QË U OFROHEN SUBJEKTEVE PUBLIKE, NGA SHOQËRIA “ILLYRIAN GUARD” SHA

Në mbështetje të pikës 4, të nenit 102 të Kushtetutës së Republikës së Shqipërisë, ligjit nr. 9901, datë 14.4.2008, “Për tregtarët dhe shoqëritë tregtare”, të ndryshuar, nenit 11, të ligjit nr. 9975, datë 28.7.2008 “Për taksat kombëtare”, të ndryshuar, si dhe të pikës 7, të vendimit nr. 177, datë 4.4.2019 të Këshillit të Ministrave “Për krijimin e shoqërisë “*Illyrian Guard*” sh.a., dhe për përcaktimin e autoritetit publik, që përfaqëson shtetin si pronar të aksioneve të kësaj shoqërie”, ministri i Brendshëm dhe ministri i Financave dhe Ekonomisë,

UDHËZOJNË:

1. Mënyra e përllogaritjes së tarifave të shërbimeve specifike, që u ofrohen subjekteve publike, në fushën e rendit e të sigurisë publike, teknologjisë së informacionit, si dhe çdo shërbim tjetër në përputhje me qëllimin e krijimit dhe statutin e saj, nga shoqëria “Illyrian Guard” sh.a., caktohet sipas klasifikimit të objekteve.

2. Ruajtja dhe sigurimi i objekteve realizohet sipas klasifikimit të tyre, në objekte të kategorisë “I” dhe “II”, duke i vlerësuar sipas:

- a) rëndësisë së objektit;
- b) ndërtimit arkitekturor të objektit;
- c) vendndodhjes së objektit (vlerësimi ambientit/mjedisit);
- d) largësisë së objektit nga vendndodhja e sh.a. “Illyrian Guard”;
- e) infrastrukturës së mjedisit;
- f) aktivitetit që zhvillohet në objekt;
- g) historiku i ngjarjeve kriminale në objekt dhe në zonë;
- h) pasojave që vijnë nga dhunimi dhe cenimi i objektit;
- i) sipërfaqes/madhësisë së territorit dhe numrit të objekteve që ndodhen brenda saj;
- j) aftësisë dhe shpejtësisë së reagimit të grupit të gatshëm;
- k) pranisë së publikut në objekt.

3. Shoqëria “Illyrian Guard” sh.a., ruan dhe siguron objektet e kategorisë “I”, me shërbime të specializuara, me punonjës në zyrat e pritjes dhe me sisteme të vëzhgimit me kamera dhe sinjalizimit, ndërsa objektet e kategorisë “II” i ruan dhe siguron me shërbime të alternuara/integruara.

3/1. Vlerësimi dhe përcaktimi i masave të sigurisë së objekteve të kategorisë “I”, përfshinë:

- analiza e sigurisë fizike të objektit;
- sistemi i sinjalizimit/alarmit, sipas zonave sensitive dhe perimetrit të objektit;
- sistemi i vëzhgimit me kamera, në të gjithë brendësinë dhe perimetrin e objektit;
- sistemi i komunikimit me radio e telefon;
- operatorë për monitorim të drejtpërdrejtë dhe të pandërprerë të kamerave;
- grupi i gatshëm (i cili aktivizohet në rast nevojë);
- thirrjet e emergjencës;
- pengesa fizike.

3/2. Vlerësimi dhe përcaktimi i masave të sigurisë së objekteve të kategorisë “II”, përveç sa përcaktohet në pikën 3/1, të këtij udhëzimi, përfshinë:

- organizimi i shërbimit me roje;
- akses kontrolli;
- kontrolli elektronik i rojeve;
- sistemi i avancuar i vëzhgimit dhe menaxhimit;
- sistemi i komunikimit;
- zona të dedikuara.

4. Ruajtja dhe siguri i çdo objekti realizohet me elementë shërbimi.

I. Mënyra e llogaritjes së kosto financiare vjetore për ruajtjen dhe sigurimin e objektit të kategorisë së “I” (parë), bazohet në elementët e shërbimit dhe shpenzimeve të çdo elementi, si më poshtë vijon:

A. Personeli dhe shpenzimet e tij, detajohen në:

1. Përgjegjës objekti, 1 (një) punonjës, me kosto financiare vjetore në vlerën 1 128 820 (një milion e njëqind e njëzet e tetë mijë e tetëqind e njëzet) lekë, bazuar në pagën bruto dhe sigurime shoqërore/shëndetësore me vlerën mujore 94 068 (nëntëdhjetë e katër mijë e gjashtëdhjetë e tetë) lekë.

2. Monitorues objekteve, 5 (pesë) punonjës, me kosto financiare vjetore në vlerën 4 258 476 (katër milionë e dyqind e pesëdhjetë e tetë mijë e katërqind e shtatëdhjetë e gjashtë) lekë, bazuar në pagën bruto dhe sigurime shoqërore/shëndetësore me vlerën mujore 70 975 (shtatëdhjetë mijë e nëntëqind e shtatëdhjetë e pesë) lekë, për operator.

3. Grupi i gatshëm, përllogariten 10 (dhjetë) punonjës shërbimi, të cilët punojnë në çift, 24 orë në 24, me kosto financiare vjetore në vlerën 8 516 953 (tetë milionë e pesëqind e gjashtëmbëdhjetë mijë e nëntëqind e pesëdhjetë e tre) lekë, bazuar në pagën bruto dhe sigurime shoqërore/shëndetësore në vlerën mujore 70 975 (shtatëdhjetë mijë e nëntëqind e shtatëdhjetë e pesë) lekë.

4. Shpenzime për uniformë, (veshmbathje) me kosto financiare vjetore në vlerën 467 500 (katërqind e gjashtëdhjetë e shtatë mijë e pesëqind) lekë për 15 punonjës. Kjo kosto bazohet në vlerën fillestare të blerjes të një uniforme në vitin e parë, plus normën e amortizimit në vitin e dytë dhe të tretë. Kjo kosto për tre vjet llogaritet në vlerën 93 500 (nëntëdhjetë e tre mijë e pesëqind) lekë.

B. Shpenzimet për mjetet dhe pajisjet e shërbimit, detajohen në:

1. Sistemi i kamerave të vëzhgimit, me kosto financiare vjetore 165 000 (njëqind e gjashtëdhjetë e pesë mijë) lekë, bazuar në vlerën fillestare 660 000 (gjashtëqind e gjashtëdhjetë mijë) lekë, me afat përdorimi 4 vjet, kjo si rezultat i shkallës së lartë të amortizimit në vlerën 25%.

2. Sistemi barrierë elektronike/alarmi, me kosto financiare vjetore 175 000 (njëqind e shtatëdhjetë e pesë mijë) lekë, bazuar në vlerën fillestare 700 000 (shtatëqind mijë) lekë, me afat përdorimi 4 vjet, kjo si rezultat i shkallës së lartë të amortizimit në vlerën 25%.

3. Sistemi i akses kontrollit elektronik, me kosto financiare vjetore 231 250 (dyqind e tridhjetë e një mijë e dyqind e pesëdhjetë) lekë, bazuar në vlerën fillestare 925 000 (nëntëqind e njëzet e pesë mijë) lekë, me afat përdorimi 4 vjet, kjo si rezultat i shkallës së lartë të amortizimit në vlerën 25%.

4. Motoçikleta për grupin e gatshëm, 2 (dy) copë, me kosto financiare vjetore 125 000 (njëqind e njëzet e pesë mijë) lekë, bazuar në vlerën fillestare të një motoçiklete në shumën 312 500 (treqind e dymbëdhjetë mijë e pesëqind) lekë, me afat përdorimi 5 vjet, kjo si rezultat i shkallës së lartë të amortizimit në vlerën 20%.

5. Radio dore për grupin e gatshëm, 4 (katër) copë, me kosto financiare vjetore 31 250 (tridhjetë e një mijë e dyqind e pesëdhjetë) lekë, bazuar në vlerën fillestare 125 000 (njëqind e njëzet e pesë mijë) lekë, me afat përdorimi 4 vjet, kjo si rezultat i shkallës së lartë të amortizimit në vlerën 25%.

6. Pajisje policie në vend shërbimi, 1 komplet me kosto financiare vjetore 12 000 (dymbëdhjetë mijë) lekë, bazuar në vlef të fillestare 60 000 (gjashtëdhjetë mijë) lekë, me afat përdorimi 5 vjet, kjo si rezultat i shkallës së lartë të amortizimit në vlerën 25%.

7. Shpenzime komunikimi dhe interneti, me kosto financiare vjetore 180 000 (njëqind e tetëdhjetë mijë) lekë.

8. Shpenzime karburant/automjete, me kosto financiare vjetore 360 000 (treqind e gjashtëdhjetë mijë) lekë.

C. Shpenzime administrative jo të drejtpërdrejta me kosto financiare vjetore në vlerën 3 912 813 (tre milionë e nëntëqind e dymbëdhjetë mijë e tetëqind e trembëdhjetë) lekë, bazuar në peshën rreth 20% që zënë këto shpenzime ndaj shpenzimeve direkte.

II. Mënyra e llogaritjes së tarifës mujore të një objekti të kategorisë së “T” (parë), në vlerën 228 247 (dyqind e njëzet e tetë mijë e dyqind e dyzet e shtatë) lekë, jepet si më poshtë vijon:

1. Kostoja vjetore për ruajtjen dhe sigurimin e mesatarisht të nëntë objekteve përlllogaritet në vlerën vjetore 20 542 266 (njëzet milionë e pesëqind e dyzetë e dy mijë e dyqind e gjashtëdhjetë e gjashtë) lekë, bazuar në:

- shumën totale të nënpikave A, B dhe C në vlerën 19 564 063 (nëntëmbëdhjetë milionë e pesëqind e gjashtëdhjetë e katërmijë e gjashtëdhjetë e tre) lekë. Aplikimin e normës së fitimit, në masën 5%, ose vlerë vjetore 978 203 (nëntëqind e shtatëdhjetë e tetë mijë e dyqind e tre) lekë.

2. Kosto mujore për ruajtjen dhe sigurimin e 1 (një) objekti përlllogaritet në vlerën 190 206 (njëqind e nëntëdhjetë mijë e dyqind e gjashtë) lekë, bazuar kjo në vlerë vjetore prej 20 542 266 (njëzet milionë e pesëqind e dyzet e dy mijë e dyqind e gjashtëdhjetë e gjashtë) lekë, pjesëtuar me numrin e muajve dhe numrin e objekteve.

3. Mbi këtë kosto mujore, aplikohet TVSH-ja në masën 20%, ose 38 041 (tridhjetë e tetë mijë e dyzet e një) lekë.

5. Mënyra e llogaritjes së koston financiare vjetore për ruajtjen dhe sigurimin e objektit të kategorisë “II” (dytë) bazohet në elementët e shërbimit dhe shpenzimeve të çdo elementi, si më poshtë vijon:

- kostoja për ruajtjen e objektit të kategorisë “II” (dytë), llogaritet duke u bazuar në tarifën mujore të objektit të kategorisë “T” (parë), plus numrin e nevojshëm të rojeve për atë objekt.

- Koston mujore, për një roje.

Elementet e koston mujore për një roje:

Paga dhe sigurimet shoqërore, janë në vlerën mujore 63 277 (gjashtëdhjetë e tre mijë e dyqind e shtatëdhjetë e shtatë) lekë.

Shpenzime për uniformë (veshmbathje) llogaritet në vlerë fillestare 93 500 (nëntëdhjetë e tre mijë e pesëqind) lekë, me afat përdorimi 3 vjet, ose kosto vjetore 31,116 (tridhjetë e njëmijë e njëqind e gjashtëmbëdhjetë) lekë, kjo shumë pjesëtuar me 12 muaj, jep koston mujore në vlef të 2 597 (dy mijë e pesëqind e nëntëdhjetë e shtatë) lekë.

- Shpenzime administrative dhe të tjera janë llogaritur me koeficientin 3% mbi koston direkte mujore ose 1 976 (një mijë e nëntëqind e shtatëdhjetë e gjashtë) lekë (63 277 + 2 597).

- Kostoja mujore për një roje llogaritet në shumën 67 850 (gjashtëdhjetë e shtatë mijë e tetëqind e pesëdhjetë) lekë.

Mbi këtë kosto 67 850 (gjashtëdhjetë e shtatë mijë e tetëqind e pesëdhjetë) lekë aplikohet norma e fitimit në masën 5% , ose vlerë vjetore 3 393 lekë (tre mijë e treqind e nëntëdhjetë e tre) lekë.

- Çmimi për një roje pa TVSH është 71 243 (shtatëdhjetë e një mijë e dyqind e dyzet e tre) lekë.

6. Për objektet që kanë sistem ruajtje me një dhe dy roje, përlllogaritja e tarifës do të bëhet duke pasur parasysh sigurinë e objekteve dhe koston aktuale që kanë këto objekte për sigurinë.

Përcaktimi i tarifës do të bëhet me marrëveshje midis Shoqërisë “Illyrian Guard” sh.a. dhe subjekteve që kërkojnë shërbimin e ruajtjes dhe sigurisë pa kaluar nivelin aktual të buxhetit të sigurisë.

7. Ngarkohet Shoqëria “Illyrian Guard” sh.a., për zbatimin e këtij udhëzimi.

Ky udhëzim hyn në fuqi menjëherë dhe botohet në Fletoren Zyrtare.

MINISTËR I BRENDSHËM

Sandër Lleshaj

MINISTËR I FINANCAVE DHE EKONOMISË

Anila Denaj